

IXLIAKTUM IXCARTA SAN PEDRO

Pedro c̄aṭachiuiṇán tí mákat talamaṇa

1 ¹ Aquit Pedro ixapóstol Jesucristo tí maḷakachaniṭ naliḷchihuṇán. Ccamalakachaniyán jaé carta huixín judíos tí lipahuanátit Cristo y lapanántit alacatunu pulatamaṇ ní makchipiniṭántit la nac Ponto, nac Galacia, nac Capadocia y nac Asia y nac Bitinia. ² Huixín caḷacsacniṭán Quinticucán Dios laṭa makán quilhtamacú, camalakachaniṭán Ixespíritu xlacata nacamaṭunuján huata huá nakaxpatniyátit y nacalixapaniyán mintalaḷalhincán ixkalhni Jesucristo niṃa mastájalh acxni niḷh.

Litacamán, Dios cacaxcilhlacachán y cacamaxquín lipaxáu latámat laṭa huixín maṭaxtucátit.

Dios camatunujniṭ ixputahuilhcán tí talipahuán

³ Capaxcatcatziṇú Dios Ixticu Quimpuchinacán Jesucristo porque maḷacastacuánih calinín y quincaxcilhlacachín. Jaé quitaxtú la calakahuáu ixlimaktuy porque chí tlan acxilhlacachánú amá lipaxáu latámat niṃa maḷacnuniṭ ⁴ quincalikalhimán ama quincamaxquiyan nac akapún. Amá quimputahuilhcán niḷcxni ama laclakó, ni para lá lactlahuacán, ni para ama xneka la taxneka xánat. ⁵ Como huixín lipahuanátit Dios ixlihuak minacujcán, xlá calimaktakalmán nahuán ixliṭlihueke xlacata namatxucátit amá lipaxáu latámat niṃa liḷhcaniṭ ama camaxquí huak cristianos acxni nachán quilhtamacú.

Dios calixila takxtakajni tí talipahuán

⁶ ¡Capaxahuátit la kalhipanántit tú nacamaxquicanátit! Para jaé laktzú quilhtamacú tamaclacasquiní Dios nacalixilán laṭa tú takxtakajni huixín ni catatlancanítit chá capaxahuátit. ⁷ Porque tamaclacasquiní Dios nacalixilán takxtakajni para xlicana tancs lipahuanátit na chuná la oro liḷxilhcán nac lhcúyat para xlicana xatlán. Huixín catziyátit xlacata oro lhuhua ixtapalh pero lakó, pero tí tayaní acxni liḷxila Dios maṣ ixtapalh, y acxni namín Jesucristo ixlimaktuy amán capaxcatcatziniyán, amán camaxquiyan lactlán mimputahuilhcán.

⁸ Huixín paxquiyan Jesucristo maṣqui ni acxilhniṭántit, lipahuanátit maṣqui chí ni acxilátit y ccatzi xlacata nac minacujcán maklhcatziyátit lanca y lan tapaxahuán hasta ni lá liḷhuanátit tachihuín. ⁹ Porque catziyátit caj xlacata lipahuanátit Jesucristo huixín lakmaxtuniṭántit milistacnicán.

Profetas talichihuinanit quintapaxahuancán

¹⁰ Lata makán Dios camacxcatzínih profetas catalichihuinah la ixama cacxilhlacachín cristianos jaé quilhtamacú xlacata natataxtuní. Xlacán ixtarakalasquiní, ixtalacputzá, ¹¹ ixtacatziputún ticu yá chixcú y tucu yá quilhtamacú ixama min amá tí ixcamacxcatzíní Ixespíritu Cristo nima ixlama nac ixnacujcán, y ixcahuaninít la ixama akxtakajnán y la ixama camakapaxahuá astán lhuhua cristianos. ¹² Pero Dios camacxcatzínih ni ixama makantaxtí tú ixmalacnunit amá quilhtamacú, sino que ixquincalacachininitán aquín. Huixín catziyátit Dios malakáchalh xalac akapún ixlitihueke Espíritu Santo nacatachihuinán profetas, y chí pihuá ixlitihueke calitachihuinancanítántit namá lipaxáu tachihuín la nataxtuniyátit. Jaé tapaxahuán nima kalhiyáu ni para ángeles tacxilhnit la tamaklhcatzí.

Dios lacasquín cataliscujli tí talipahuán

¹³ Aquit ccahuaniyán, tlan calacpuhuántit tú pat tlahuayátit, tancs calacapastacnántit acxni tú lactanuyátit, y ni calimakxtáktit acxilhlacachipinátit amá tapaxahuán nima malacnunit Dios ama camaxquí tí calakalhamán acxni namín Jesucristo. ¹⁴ Para huixín xlicana kaxpatátit tú limapaksinán Dios, yaj lixcájnít calatapátit la ixlapanántit xapulh acxni ni ixlakapasátit Dios. ¹⁵ Huixín chá calacputzátit tancs latapayátit porque Dios tí catasanín nalipahuanátit tancs kalhí ixtalacapastacni. ¹⁶ Calacapastáctit la huan nac Escrituras: “Huixín titum cakalhítit mintalacapastacnicán na chuná la titum ckalhí quintalacapastacni.”

¹⁷ Quinticucán Dios nití acxilhlacachán mas talipau, acxtum ama catatlahuá taxokón chatunu cristianos, huá calihuaniyán huixín tí limapacuhuyátit “Quinticucán Dios”, siempre calacputzátit nitú limakatzankayátit lata lapanántit nahuán jaé caquilhtamacú. ¹⁸ Porque huixín catziyátit xlacata xalakmakán militalakapasnicán catamakxtakni laklhkahuili tijia la nataxtuniyátit, pero Dios cacxilhlacachín y camasinín tancs tijia la nataxtuniyátit y ni lixokonit tú laclakó la oro o plata, ¹⁹ sino que Cristo xókolh acxni mastájalh ixkahlhi y nihl nac culus porque xlá litánulh amá lan borrego tí ni istzacatnanit nalilakachixcuhuicán Dios xlacata naxapá ixtalakalhincán cristianos.

²⁰ Dios ixlacsacnit Cristo lata ya ixtlahuá caquilhtamacú; pero como ixquincalacachininitán quincalalahamanán aquín, huá xlacata limalakáchalh jaé quilhtamacú. ²¹ Y acxni nihl malacastacuanilh calinín y máxquilh lanca ixputáhuilh nac akapún. Chí aquín tí lipahuanáu Cristo tancs catziyáu tlan malacatzuhuyáu Dios y lipahuanáu xlicana amán mataxtucáu amá tapaxahuán.

Tí talipahuáñ Cristo taralakalhamán

²² Para huixín xlicana kaxpatátit amá tancs talacapaſtacni nima camasinicántit acxni lipahuántit Cristo yaj kalhiyátit laclixcájnít talacapaſtacni nac minacujcán y tlan lapaxquiyátit ixlihuak ninacujcán, y aquit ccahuaniyán ni calimakxtáktit lalakalhamanátit ixlihuak mintapuhuancán chatum chatum tí talipahuán Cristo. ²³ Porque maſqui huixín camalakahuaninítan cristianos tí na taní la catihúa, chí lapanántit porque camalakahuanin ixlimaktuy xastacnán Dios y ixtachihuín lama nahuán y tayanima nahuán canicxnihuá. ²⁴ Caksántit la huan nac Escrituras:

Huak cristianos tí talamaña caquilhtamacú ccalimanú la licúxtut, y ixlihtihuekecán nima tamataxtuca ctamalacastuca la xaxánat namá licúxtut.

Huak ama talakſputa, na chuná la licúxtut tascaca y xaxánat taxneka y tayuja.

²⁵ Pero ixtachihuín Quimpuchinacán tayanima nahuán canicxnihuá. Aquit ccatzí huá jaé lipaxáu tachihuín camasinicanitántit huixín xlacata nataxtuniyátit.

Dios ni lakmakán tí lipahuán

2 ¹ Huá ccalihuaniyán huixín cakxtakmakántit huak laclixcájnít mintalacapaſtacnicán, yaj calakskahuítit, yaj chuta calamasinítit lalakalhamanátit, xlicana calapaxquítit, yaj tú calalakcatzanítit, y yaj lixcájnít calalichihuínántit. ² Huixín chá camaksquínitit Dios stalanca ixtalacapaſtacni la lactzú lakskatán talaktasá istziquitcán xlacata tlan namataxtucátit amá tapaxahuán nima camalacnunicanítántit. ³ Para huixín xlicana maklhcatzinítántit calakalhamanítan Dios, catlahuátit tú ccahuanimán.

Cristo litanú xastacnán chíhuix

⁴ Huixín camalacatzuhuítit Cristo porque xlá litanú amá xastacnán chíhuix nima talakmákalh cristianos, pero Dios lacsacnit y kalhí lhuhua ixtapalh. ⁵ Huixín tí lipahuanátit Cristo, Dios na calimanuyán xastacnán chíhuix nima maclacasquima litlahuama ixchic ní nalatamá, y hasta litanuyátit curas tí taliscuja Dios talilakachixcuhú tú takalhí nac ixnacujcán, y Dios lakatí calipaxahuayán porque litayayátit lipahuanátit Cristo. ⁶ La huan nac Escrituras:

Nac quincachiquín Sión cama malakachá chatum tí clacsacnit, y ama litanú la aktum lan chíhuix nima yahuacán nac ixchastún la xachaya chiqui.

Amá tí nalipahuán ni ama aklhuuatnán paxahuá.

⁷ Huixín tí lipahuanátit Cristo catziyátit la lhuhua ixtapalh kalhí namá xastacnán chíhuix, pero tí nī talipahuán caquitaxtuní tú chuné huan nac Escrituras:

Pihúa namá chíhuix nīma talakmákalh ixtlahuananín chiqui,
Dios lílhcah natayá nac ixchastún la xachaya chiqui.

⁸ Xlacán takchakxa porque takaxmatmakán lipaxáu ixtachihuín Dios, pero chú ixcalilhcaanít la huan nac Escrituras:

Lhuhua ama taliakchakxa jaé chíhuix,
y lhuhua ama camalhtujú.

Dios calacsacnít tí talipahuán

⁹ Liputum huixín tí lipahuanátit Cristo, Dios calacsacnítán xlacata huata chatum Minticucán nakalhiyátit, litanuyátit putum curas tí talakachixcuhuí chatum lanca rey, litanuyátit ixcachiquín Dios tí taliscuja, y litanuyátit ixcamán Dios tí calakalhamanán. Dios camatunujni xlacata nacamaclacasquinán nalichihuinanátit laclanca ixtascújut amá tí camaxtún ní capaklhtutáj ixlapanántit y camaxquín lanca ixtaxkáket. ¹⁰ Milh quilhtamacú huixín nī ixlitanuyátit ixcamán Dios, pero chí litanuyátit ixcamán Dios tí calacsacni. Huixín nī ixmaklhatzínitántit ixtapaxquín Dios pero chí catziyátit la capaxquínitán.

Tí talipahuán Dios camásilh nac ixlatámat

¹¹ Liṭacamán tí ccalakalhamán, huixín tancs calatapátit juú caquilhtamacú la amá tí tamakchán tamaklatamá alacatunu pulataman. Nī catakokétit namá laclixcájnít talacapaṣtacni nīma tataxtú nac ixnacujcán tí nī talakapasa Dios y malaktzanké ixlistacnicán. ¹² Huixín tancs calatapátit ixlacatincán namá cristianos xlacata natacxila la tlahuayátit litlán y masqui chí calhcuyuyahuayán la makninanín, acxni Dios nacaquicxilhlacachán tlan natamakachakxí y natapaxcatcatzíní tú tlahuanít milacatacán.

Huak catakáxmatli tú tahuán mapaksinanín

¹³ Dios lakatí tí talipahuán catakáxmatli tú tahuán mapaksinanín xala caquilhtamacú. Catakáxmatli rey porque kalhí limapaksín,
¹⁴ catakáxmatli gobernadores porque xlacán calilhcaanít xlacata nacamaxokonícán amá tí tatzacatnán y nacapaxcatcatzínicán tí tatlahuá tú tlan. ¹⁵ Dios lacasquín catlahuátit litlán xlacata nacamaquilhacsliyátit namá laktakalhín cristianos tí lixcájnít calichihuinanán. ¹⁶ Huixín calatapátit la namá cristianos tí huak tlan tatlahuá tú talacasquín, pero nī xlacata huak tlan tlahuayátit catlahuátit tú lixcájnít. Huixín huata caliscújtít tú lakatí Dios. ¹⁷ Huixín huak cacarrespetartlahuátit, cacapaxquítit quintacamcán tí talipahuán Cristo, tancs calatapátit

ixlacatín Dios la tí nixni tatlahuaputún tú ní nalakatí, y carrespetartlahuátit lanca quimapaksinacán emperador.

Tí talipahuán Dios catamakslihuékelh Cristo

¹⁸ Huixín tí scujátit cacarrespetartlahuátit mimpatroncán, cakaxpáttit tú tahuán la amá tí tlán catzí y capaxquiyán y la amá tí lacsún talanit.

¹⁹ Porque Dios capaxcatcatzini ixcamán tí talakalhamán tapatí ixtakxtakajnicán masqui nítú talitzacatnanit. ²⁰ Chí calacpuhuántit, para huixín tzacatnanátit y cacastigartlahuacanátit ¿niculá nacapaxcatcatziniyán Dios mintakxtakajnicán nima talapanántit? Pero para huixín tlahuayátit tú tlán y cacastigartlahuacanátit entonces Dios xlicana ama capaxcatcatziniyán mintakxtakajnicán nima talapanántit.

²¹ Dios calacsacnitán calimanuyán ixcamán xlacata nacalixcilán para natlahuayátit ixtalacasquín na chuná la Cristo quincaliakxtakajnán. Xlá quincamasinín la quilipaticán acxni tlahuayáu tú lakatí Dios, huá ccalihuaniyán catakokéu tú tláhualh. ²² Xlá nixni tláhualh talakalhín, nixni quilhtáxtulh aktum ta_{sk}ahuín; ²³ acxni ixuanicán laclixcájnít tachihuín nixni ixkalhtinán, acxni makxtakajnica nixni lacpúhualh camaxokoní tí tamakxtakájnilh, xlá huata chá mas tancs litáyalh lipahuán Dios, amá tí tancs camaxquí chatunu tú caminíní. ²⁴ Cristo mactánulh huak quintalakalhincán y calactláhualh acxni nilh nac culus. Xlá máknilh quintalakalhincán quilakapuxokocán y chí lamanáu la miníní porque Dios quincacxilhlacachín chuta naquincamatzankenaniyán tú ixtlahuanitáu. Cristo mastájalh ixkalhni xlacata aquín namaksaniyáu quilistacnicán. ²⁵ Aquín ixlapulayáu la xataktzankán borregos, pero chí kalhiyáu chatum quimaktakalhnacán tí quincapulaniyán xlacata nalakmaxtuyáu quilistacnicán.

La ixlilatamatecán tí tamakaxtoka

3 ¹ Huixín lacchaján tí makaxtokátit, cakaxpáttit tú tahuán mintakolucán xlacata para xlacán ní tacanjlá ixtachihuín Dios tlán natalipahuamputún acxni natacxila la huixín tancs latapayátit huak kaxpatátit. Masqui ní caclitachihuínántit ixtachihuín Dios ² ixacstucán natacxila la nítú limakatzankayátit, tancs latapayátit, huak kaxpatátit.

³ Chuná litum ní calacputzátit tlán caxtayayátit nac mimacnicán, para cahuiliyátit lactlán litacaxtay xla oro, para licuánit acxquitátit, para huiliyátit lactlán lhákat. Tó. ⁴ Huixín calacputzátit masiyátit lan litacaxtay nima kalhí minacujcán; porque ixlacatín Dios huata tatayaní ixlitacaxtaycán amá cristianos tí tamasí tlán tacatzí y ní tatlancaní ixlistacnicán. ⁵ Makán quilhtamacú huá jaé laclán litacaxtay tamásilh amá lacchaján tí ixtaliscuja Dios y ixtakalhimana nacalakmaxtú y nixni talimáxtakli takahuananí ixtakolucán.

⁶ Calacapastáctit la Sara akahuánánilh ixtakolú Abraham, y limáxtakli calítánulh xapuxcu ixáxtaka tí namapaksínán. Huixín camakslihuekétit Sara la lactzumaján tamakslihueké ixnánajcán; catlahuátit tú tlan xlacata nicxni nalimaxananátit puhuanátit aktzankapanántit.

⁷ Chí cçatçahuiñanán huixín lacchixcuhuín tí makaxtokátit, catzaksátit makachakxiyátit ixtalacapastacnicán mintachacacán xlacata lipaxáu nalatapayátit porque xlacán huak talipuhuán la aktum xatlán lan vaso, hasta ni lá xamacán porque tlan tapaklha. Xahuá milirrespetartlahuatcán porque Dios na çacxilhlacachinít ixama camaxquí lipaxáu latámat la huixín y Dios nacakaxmatán acxni kalhtahuakaniyátit porque ni lamakasitzipanántit.

Tí lipaxáu latamaputún ni caláslakli

⁸ Liçacamán, huixín acxtum calaçxilhlacachipítit, calasipaçxílhítit, calalalalhamántit y tlan cacatzítit. ⁹ Huixín ni capuspitnítit tí çatlahuaniyán tú ni tlan, ni para cakalhtaxtóktit tí lixcájnít calichihuiñanán, huixín chá camaksquíntit Dios cacamaktákalhli nitú catapáxtokli. Porque Dios calilhcanítán ama camaxquiyán ixtapaxquín para talayátit tú paxtokátit. ¹⁰ Cakaxpáttit tú huan Dios nac Escrituras:

Amá tí lipaxáu latamaputún nac ixlatámat y ni akatuyumputún çali çalí,

ni calimáxtakli istzimákaç lixcájnít cachihuínalh,
ni caquilhtáxtulh nac ixquilhni ni para akstum takskahuín.

¹¹ Çakxtakmákalh laçá tú lixcájnít tlahuá y huata catláhuah tú tlan. Calacpútzalh lipaxáu latamá y catakókelh namá tijia.

¹² Porque Dios çaçxila çamaktakalha tí lactlán tacatzí,
y sok çakaxmata acxni takalhtahuakaní,
pero ni çalacaçxilhputún amá tí huata tatlahuá tú ni tlan.

Catunu maç takxtakajnán tí lactlán tacatzí

¹³ Chí quilhauaníu, çticu nacatlahuaniyán tú ni tlan para huixín huata tzaksayátit tlahuayátit tú tlan? ¹⁴ Pero para huixín maçqui tlahuayátit tú tlan camaxxtakajnicanátit maç pat paxahuayátit. Huá xlacata cçalihuaniyán, ni çakatuyúntit, ni para cacajicuanítit namá tí camaxxtakajniyán. ¹⁵ Porque chuná maçiyátit nac minacujcán lama Mimpuchinacán tí camatunujnítán naliscujátit. Para tí çakalasquiniyán huanchi huixín acxilhlacachipinátit amá lipaxáu latámat nima malacnunit Dios, lakasut y calitlán sok calacspitnítit tú xlacata liçanajlayátit.

¹⁶ Huixín ni catlahuátit tú nalipuhuanátit astán xlacata amá tí ni çacxilhputunán calilhcuuyahuayán takskahuín, ixacstucán natalimaxananán ixtakskahuincán acxni nataçxila la huixín tí lipahuanátit

Cristo nítú limakatzankanítántit. ¹⁷ Para Dios lacasquín nakxtakajnanátit mas camacuaniyán cakxtakajnántit xlacata tlahuayátit tú tlan que xlacata tlahuayátit tú ni tlan.

¹⁸ Cristo acxni nilh nac culus caj maktum xokónalh canicxnihuá ixlacata quintalakahincán. Xlá nicxni tláhuah talakahín pero liakxtakájnalh quintatzacatnicán xlacata tlan naquincamalacatzuhuiyán ixlacatín Dios. Masqui maknica ixmacni, ixespíritu siempre lama huá, ¹⁹ y chú calákalh amá ixespíritucán cristianos ní lacatum ixcalahicán la tachín y calitachihuínalh ixtachihuín Dios. ²⁰ Porque xlacán takaxmatmákalh Dios amá makán quilhtamacú acxni Noé tzúculh tlahuá amá lanca barco xlacata natataxtuní. Xlá cahúnilh la Dios ixcaxilhlacachinít nacalakmaxtú, pero ni tacánajlah y huata tataxtúnilh chatzayán cristianos tí ni tamúxtulh nac chúchut.

²¹ Amá chúchut nima taputaxtúnilh amá chatzayán cristianos tatalacastuca amá chúchut nima quincacmahuacacanán acxni takmunuyáu. Jaé chúchut ni cheké quimacnicán, aquín takmunuyáu xlacata nachekemakanáu quintalakahincán y namaksquináu Dios quincamaxquiyán lactlán talacapastacni, y catziyáu taxtuniyáu acxni takmunuyáu porque lipahuanáu Jesucristo tí lacastacuánalh calínin.

²² Xlá alh nac akapún y chí huí nac ixpaxtún Dios y huak laclanca mapaksinanín ángeles y tí takalhi litlihueke takaxmatní tú limapaksinán.

Chatunu camalacatzúquilh sasti latámat

4 ¹ Huixín catziyátit la Cristo akxtakájnalh nac ixmacni huá xlacata para tamaclacasquiní huixín na calitamakxtáktit akxtakajnanátit. Porque amá tí litamakxtaka akxtakajnán nac ixmacni, quitaxtú yaj tlahuaputún ixtalakahín. ² Y namá quilhtamacú nima tzankaní nalatamá, tzaksá latamá la lacasquín Dios calatámalh. Yaj tzaksá huata makantaxtí tú lacasquín ixmacni. ³ Cpuhuán luhuatá talakahín tlahuátit amá quilhtamacú acxni ixlapanántit la namá tí ni talakapasa Dios, huata ixlipuhuanátit makapaxahuayátit mimacnicán, ixlimahuacayátit litzacatnanátit mimacnicán, huata ixkachiyátit, huata ixlipuhuanátit tlan huayanátit, huata ixlipuhuanátit mincuchucán, y ixlakatiyátit calakachixcuhuiyátit pulaktumín.

⁴ Xlacán ama taklhuhuatnán acxni natacxila yaj takokeyátit namá lixcájnít latámat nima tachipanít xlacán, y lixcájnít ama calichihuinanán huixín. ⁵ Pero ni caktzonksuátit xlacata ama chan chichiní ama catatlahuayán taxokón amá tí lihcaçanít juez nacamaxokóní xastacnán y xanín cristianos tí tatzacatnanít. ⁶ Huá xlacata Cristo calitachihuínalh ixtachihuín Dios amá tí taninít porque masqui juú caquilhtamacú tánilh ixmacnicán la catihúá cristiano, tlan ama talatamá ixespíritucán la calilhcanít Dios.

Chali chalı́ talacatzuhuima namín Cristo

⁷ Chali chalı́ talacatzuhuima amá chichiní nalakspuṭa laṭa tú anán, huá ccalihuaniyán tancs calacapastacnántit y calitayanítit nac milistacnicán kalhtahuakaniyátit ixlihuak minacujcán. ⁸ Ni calimakxtáktit lapaxquiyátit chatum chátum porque acxni lapaxquiyátit xapayátit lhuhua mintalakalhincán nima kalhiyátit. ⁹ Huixín cacatamahltatátit namá cristianos tí tamaclacasquín y ni cacalichihuanánit.

¹⁰ Huixín tí camaxquinitán Dios ixlitlihueke naliscujátit, cacamaktayátit chatum chátum tí tamaclacasquín la caminini natuscujá tí cacxilhlacachinít Dios camaxquí ixlitlihueke. ¹¹ Namá tí lihcanít Dios nalichihuinán, cachihuinálh la Dios cacatáchihuinálh cristianos; namá tí lihcanít nacaliscuja ixnatacamán, cascuji laṭa mas macchaní ixlitlihueke nima maxquinit Dios xlacata huixín tí lipahunátit Jesucristo tlan napaxcatcatziniyátit Dios huak ixtalakalhamán, porque huata huá minini nalakachixcuhuiyáú y napaxcatcatziniyáú ixlitlihueke canicxnihuá quilhtamacú. Chuna calalh, amén.

Tí akxtakajnan capaxahualh

¹² Litacamán tí ccalakalhamán, huixín ni caklhuhuatnántit acxni nacalakchanán namá takxtakajni nima pat calicxilhcanátit porque tú pat paxtokátit ni xlahuán ama quitaxtú. ¹³ Huixín capaxahuátit acxni akxtakajnanátit la akxtakajnalh Cristo porque acxni namín masí ixlilanca ixlitlihueke juú caquilhtamacú, xlá na ama camakapaxahuayán huixín.

¹⁴ Para huixín lixcájnít calichihuinancanátit caj xlacata lipahunátit Cristo capaxahuátit porque Ixespíritu lanca Dios nima lama nac minacujcán ni ama cakxtakmakanán. Xlacán tlan talikalhkamanán Cristo, pero xlá ama capaxcatcatziniyán para huixín talayátit tú calakchanán ixlacata. ¹⁵ Porque mas limaxaná ixuá para huixín akxtakajnanátit xlacata makninanítántit, kalhananítántit, tzacatnanítántit o xlacata lactanunitántit tú ni camininiyán. ¹⁶ Pero ni camaxánalh amá tí akxtakajnan caj xlacata lipahuán Cristo, chá capaxcatcatzinih Dios porque limakxtaknit caliakxtakajnalh.

¹⁷ Aquín acxilhnitáu la Dios tzucunít quincatatlahuayán taxokón aquín tí litanuyáú ixlitalakapasni. Para Dios quincatatzucuyán aquín, ¿tucu ni caticaquitaxtúnilh amá tí takaxmatmakán ni talipahuán ixtachihuin Dios? ¹⁸ Chí calacpuhuántit para takalán tataxtuní namá tí talakatí tatlahuá tú lacasquín Dios ¿niculá lacapala nataxtuní namá tí tatatlancaní ni tamakantaxtiputún ixlimapaksín? ¹⁹ Para Dios limakxtaka cakxtakajnántit huixín, huixín latiyá catlahuátit litlan y camaksquintit Mimpuchinacán camaktakalhli milistacnicán y xlá ama makantaxtí.

Tí taçpuxcún cristianos tlan catamapaksínalh

5 ¹ Aquit chatum kolú tí quililhcaçaniñ naccapuxcún cristianos, aquit cacxilhnit la akxtakájnalh Cristo y ckalhima nactapaxahuá Cristo acxni xlá namín. Huá xlacata ccaliakastacyahuayán huixín lakkolún tí çapuxcunátit cristianos la aquit, ² çakskalhítit namá cristianos nima çamacamaxquinitán Dios namaktakalhátit. Cascújtít ni xlacata çamapaksipacántit, sino porque Dios lacasquín cascújtít ixlihuak mintapuhuancán. Huixín cascújtít ni xlacata pat maklhtinanátit lhuhua tumín, sino porque lakatiyátit caliscujátit xamakapitzi.

³ Namá tí taçpuxcún cristianos catamásilh la ixlilatamaçcán xamakapitzi, ni huata catamapaksínalh la ixlilatamaçcán namá cristianos nima çamacamaxquinit Dios catamaktákalhli, ⁴ xlacata chuná acxni namín amá lihua xapuxcu quimaktakalhnacán aquín ixborregos nacamaxquicán ixtaxokoncán amá lipaxáu lanca corona nima nicxni xneka la nima calitlahuacán xanat.

La ixlilatamaçcán lakkahuasán y tí talipahuán Cristo

⁵ Na chuná huixín lakkahuasán, cakaxpáttit tú tahuán xanapuxcún y chatunu calitlán calakaxpatnítit tú tahuán xamakapitzi porque çaksántit la huan nac Escrituras:

Dios çataralacataquí tí talactlancán,
pero çacxilhlacachán çamaktayá tí lactlán tacatzí.

⁶ Huá xlacata ccalihuaniyán para huixín acs tamakxtakátit acxni tú calilhçayán Dios nacalixilán, ama çan quilhtamacú xlá ama çamaxquiyán lanca mimputahuilhán.

⁷ Lata tú liakatuyunátit calipinítit Dios porque xlá lakatí çamaktayá tí talipahuán.

⁸ Huixín skálalh calatapátit tlan calacapastacnántit porque kalhiyátit chatum licuánit mienemigojcán y huá tlajaná. Xlá putzatapulí tí tlan namalaktzanké la chatum licuánit lapánit nima putzama tí nahuá. ⁹ Pero huixín tancs calipahuántit Dios xlacata tlan natayaniyátit acxni çamakatlajaputunán. Lata tú huixín paxtokpanántit, na chuná tapaxtokmana quintaçamcán tí talipahuán Cristo canihuá çaquilhtamacú.

¹⁰ Para huixín talayátit mintakxtakajnicán nima calixilhman Dios laktzú quilhtamacú, xlá ama çamakatziniyán tú catzankaniyán nac milatamaçcán, ama çamacatziniyán huak ixtalacapastacni, ama çamaxquiyán licamama y ama çamaxquiyán mimputahuilhán, porque pihuá namá Dios tí quincacxilhlacachinitán y quincalacsacnitán natapaxahuayáu canicxnihuá Jesucristo aquín tí lipahuanáu.

¹¹ Calakachixcuhuú namá Dios tí kalhí nahuán lanca ixlitlihueke canicxnihuá quilhtamacú. Chuná calalh, amén.

Pedro maşputú ixcarta

¹² Aquit cmáksquilh Silvano, tí cliṁañú tancs lipahuán Cristo, cacalínichán jaé carta. Juú ccahuaniyán y ccakastacyahuayán calilacapastacnántit la Dios maľulokñit xlicana quincacxilhlacachinán aquín tí lipahuanáu. Huá ccalihuaniyán ni calimakxtáktit lipahuanátit.

¹³ Cahuaniyán kalhén amá tí talipahuán Cristo nac Babilonia y na calacsacñit Dios la huixín, y na ccahuaniyán kalhén quinkahuasa Marcos.

¹⁴ Chatunu huixín calahuanítit kalhén y calakapixtítit quilakapuxoko. ¡Dios cacamaxquín lipaxáu latámat chatunu huixín tí lipahuanátit Cristo!